

亥 辛

南洋官報

第一百四十八期

諭旨恭錄

京朝法政

民政部 奏臚陳辦理防疫情形摺 ● 學部 奏改訂簡易識字學塾摺 ● 度支部 奏遵

旨覆陳應行籌備事宜提前趕辦摺

兩江奏牘

兩江督院張 札甯藩司轉飭各屬僧學兩界不得互相滋擾文 ● 又札甯藩司財政公所

准蘇撫院咨請嚴禁私運米糧出洋以維民食文 ● 又札甯學司准學部咨送初等小學表

式分別調查填送查核文(附條例) ● 又札江甯調查局准粵督咨送粵省統計學講義請

發局備查文 ● 又札蘇法司准法部咨已設審判廳地方其行政各衙門審理未結案件交

收辦法文(附原咨) ● 又札蘇法司准東督錫吉撫陳咨送檢驗新知識一書文 ● 又札江

甯勸業道准農工商部咨復南洋勸業會場開設工廠應准立案仍飭將章程送部備核文

● 又札上海道據督練公所楊參議等呈請飭道行縣撥歸各學校營地一律豎立界碑文

● 又札震澤縣再行示禁雙楊鎮舉賽水會文 ● 又批裕甯官銀錢局詳委員蔡令稟晉大

鼎昌祥合泰祥三戶倒欠銀兩擬在公積項下彌補請立案由 ● 又批徐州道稟沛縣新團

地畝擬請續行升科並增收地價抵充租款由 ● 又批太平廳稟迭遭災歉擬照舊章浚港

築堤以除水患由 ● 又批太平廳稟城鄉違禁售吸洋煙各案辦法由 ● 又批桃源縣詳觀

音庵僧人不守清規擬將庵產充作自治所費用請批示立案由 ● 又批蕭縣稟拏獲匪犯

張玉先等請委審懲辦由 ● 又批常熟縣稟民人倪明書等在江陰戴巷被搶捆毆關禁情

形由●又批宿遷民人王治均稟被匪搶去牛驢衣物等件叩飭提窩家押交搶匪由●又批江西贛州府稟訊擬龍南縣差廖有等藉票訛擾一案乞示由●江蘇撫院程奏學務公所各員紳年滿請獎摺●又奏職董陳作霖等辦理仁濟善堂請立案片●又奏考試道府以下各員分別留省片●甯藩司樊奉督憲札准度支部咨取圖書館開支細數表冊文●又奉督憲札據江浦縣電稟浦口移卡開辦商民聚眾滋擾應委員前往查辦文●又奉督憲札據山陽紳士朱占科等電稟請暫留淮軍王倅佐理賑務文●又准學司移奉督憲批閩閣善堂貞女李果修稟控凌貞女孝德一案文●署甯學司李批泰興縣監生王見仁等稟興立小學公叩飭縣立案由●又批高郵州單級教授練習所學員謝弼梁稟重權利而輕義務請鑒核批示由●又批上元縣自治研究所畢業生沙汝霖稟籌設清真兩等小學請立案由●甯屬清理財政局批布倉大使申送預算宣統四年收支各款表冊由●江南財政公所詳復督憲遵飭核議清河縣平糶虧耗之款事前並未報明仍難擬准核銷俯賜核奪飭遵文●又批第一第二初級審判廳檢察廳請免收德律風月費由●江南籌辦地方自治總局申報督憲本局附設自治研究所自費生現已畢業照案停辦文●又批江甯縣詳送王克賢稟呈農業研究會章程請示由●又批江甯縣詳准章紳廣祺牒報縣屬東南各鎮公立自治研究所啓用圖記由

法學雜記

檢驗新知識

(續第一百四十七期)

藝文存略

江蘇詩錄蘇小詩續蘇壽詩續

芳字號

子琴

二月十七日

監國攝政王鈐章奉

旨杭州織造仍著聯榮接管毋庸更換欽此 軍機大臣署名

十九日

監國攝政王鈐章奉

上諭朱家寶奏查明安徽各屬秋禾歉收請分別蠲緩錢糧一摺上年宿州等三十四州縣被水被旱被風秋禾收成均形歉薄若將應征民衛丁漕各款照常征收民力實有未逮加恩著照所請將被災各州縣分別輕重蠲緩以紓民力該撫卽刊刻謄黃徧行曉諭務使實惠均沾毋任吏胥舞弊用副朝廷軫念民艱至意餘著照所議辦理該部知道單併發欽此

上諭朱家寶奏查明各屬秋禾災歉情形請分別蠲緩漕糧一摺上年安徽省各屬被水被旱被風田畝收成歉薄本日已經降旨將錢糧分別蠲緩以示體卹若將應征漕糧照常征收民力仍有未逮加恩著照所請所有被災較重之宿州等八州縣應征新漕同鳳臺等二十五州縣應征新漕及節年災緩舊欠漕糧均著分別蠲緩流抵以紓民力餘著照所議辦理該撫卽一併刊刻謄黃并將各該州縣區圖村莊分晰蠲緩詳細刊明復行曉諭務使實惠均沾毋任吏胥舞弊用副朝廷軫念民艱至意該部知道欽此

上諭雲南雲南府知府員缺緊要著該督於通省知府內揀員調補所遺員缺著熊范輿補授欽此
軍機大臣署名

二十日

監國攝政王鈐章奉

上諭纂擬憲法大臣貝子溥倫等奏請派員協同纂擬憲法一摺著派度支部右侍郎陳邦瑞學部右
侍郎李家駒民政部左參議汪榮寶協同纂擬欽此

上諭伊犁將軍志銳加恩著在紫禁城騎馬欽此

旨魁聯著賞給副都統銜作爲伊犁索倫領隊大臣照例馳驛前往欽此 軍機大臣署名
二十一日

監國攝政王鈐章奉

旨翰林院侍讀學士著王錫蕃補授欽此 軍機大臣署名

二十二日

監國攝政王鈐章奉

上諭增祺著留京當差廣州將軍著誠勳補授溥頤著補授熱河都統欽此
上諭農工商部尙書著溥倫補授欽此

上諭大學士世續著充資政院總裁侍郎李家駒著充資政院副總裁欽此

上諭法部左侍郎沈家本著回任供職大理院少卿劉若曾著充修訂法律大臣欽此 軍機大臣署名

上諭法部左侍郎沈家本著回任供職大理院少卿劉若曾著充修訂法律大臣欽此 軍機大臣署

民政部 奏臚陳辦理防疫情形摺

奏爲臚陳辦理防疫情形恭摺仰祈 聖鑒事宣統二年十二月二十七日臣部奏請設立京師防疫

局奉 旨依議欽此欽遵卽日於內外城設立總分局四所並於永定門外設防疫病室隔離室防疫

出張所京師內外城地面人民有患病者無論已未病故均令報告該管警區轉報該局遴派醫官前往
診斷檢查如有疫病嫌疑立將病人送往防疫病室原住房屋卽行消毒封閉並將該處遮斷交通所有
同居之人均送往隔離室仍派醫官逐日診察以免傳染其每日尋常病故者亦須經醫官檢驗實無鼠
疫確據者由該局發給執照准其棺殮抬埋至內外城旅店飯館茶樓市場等處均令醫官逐日檢察以
資豫防所有該局每日辦理防疫事項及各區病故之人分別姓名住址年齡病名並註明某醫官檢驗
字樣列表申報臣部查核一面送交政治官報局登載並將表冊送由外務部轉致在京各國公使以安
外賓計自上年十二月外城三星客棧奉天來京旅客王桂林及測地局由津來京學生于文蔚染疫病
故陸續傳染疫斃男女十三名口外半月來嚴飭該局設法撲滅幸尙無間接傳染情事至清潔街道尤
爲防疫要務特設衛生警察隊督飭清道夫役將各街巷塵芥認真掃除並派衛生警官隨時稽察惟公
家清潔之勤終不敵人民污穢之速臣等現擬防疫期內如有妨害公共衛生或不遵清潔章條者按照
違警律加等科罰以示懲戒此臣等辦理京師防疫之實在情形也現在直隸山東所屬州縣間有疫症

發生情形時值春融凍解入京人民紛至沓來若不早爲防遏難保不有傳播除電知東三省直隸山東督撫臣將防疫情形報告外並經臣部派員商由直隸督臣飭令保定防疫局在保定車站加意檢驗順天府在長辛店車站設檢疫所復行檢驗並會商郵傳部於來往行車隨時稽察以杜來源惟河間冀州深州定州通州等處負販工役人等往往有徒步來京者復經商由步軍統領衙門飭令檢疫分局在京師各關廂外加意查察如來自疫地方之人勒令先在關廂地面旅店住宿俟實行檢驗後始准入城以資周密此臣等辦理近畿一帶防疫之實在情形也惟人情往往狃於故常此次疫症發生所有防檢各種辦法均爲我國人民素未經見之事雖不敢顯違禁令究不免目爲多事疑謗橫生而不知此中曲折者或尙疑臣部防檢不周干涉不力要之過嚴則易啓人民之咨怨稍寬又或致局外之譏評當茲創辦之初措手誠屬不易願臣等職司所在無論如何爲難斷不敢稍涉鬆懈惟有凜遵迭次諭旨督飭防疫局不避勞怨認真辦理並隨時電商東三省直隸山東督撫臣互相防維不使疫氣蔓延以仰副聖主軫念民生痼痲在抱之至意所有辦理防疫情形各緣由謹恭摺具陳伏乞 皇上聖鑒謹

奏宣統三年二月初二日奉 旨知道了欽此

學部 奏改訂簡易識字學塾摺

奏爲改訂簡易識字學塾章程以便推行而廣教育恭摺仰祈 聖鑒事竊臣部於宣統元年十一月

二十九日具奏酌擬簡易識字學塾章程奉

旨依議欽此當經臣部通行京外一體遵奉施行上年

十一月二十五日臣部覆陳普及教育分別最要次要辦法清單將九初等小學補助機關入最要一類此項簡易識字學塾係單開補助機關之一尤應及時推廣以期識字人民日益增多查原訂章程其畢業期限定爲三年以下一年以上其授課時刻定爲每日三時或二時於簡便易行之中仍寓多方造就之意邇來詳加考察此項學塾既專爲年長失學及年幼赤貧者而設畢業之期愈近則益便於謀生授課之時無多可兼營夫操作臣等公同商酌擬將畢業年限量爲縮短定以一年至二年其授課時刻則一律定爲每日二小時雖入塾讀書仍無妨於生計如此則小民易於從事而願學者益多此酌改年限及授課時刻之辦法也學塾之程度既改則所用課本亦應隨之而改原訂章程識字課本有三種國民必讀課本有二種並酌授以淺易算術此次改革擬將兩項課本均改爲一種以歸簡易而免紛歧其簡易識字課本分爲第一第二兩編用圓周教法每編各自爲起止一年畢業者但讀第一編上下兩冊二年畢業者續讀第二編上下兩冊統計全書四冊可合可分至國民必讀課本亦擬用圓周教法第一年主講演義理不課文字第二年仍用原書講演兼課文字蓋是書重在啓發國民道德知識不以復習爲嫌至算術一門原章或用珠算或用筆算未經規定竊謂此等學塾既專爲貧寒失學者而設則以實用爲主似專教珠算爲宜茲已由臣部編成簡易珠算教科書及教授書各四冊其圓周教法與簡易識字課本相同此酌改課本及學科編制之大要也總之小學爲教育之本而簡易識字學塾爲補助小學推廣教育之用臣等再三討論意見相同謹繕具清單恭呈

御覽伏候

命下遵行所有改訂

簡易識字學塾章程緣由謹恭摺具呈伏乞
依議欽此

皇上聖鑒謹 奏宣統三年正月二十四日奉 旨

改訂簡易識字學塾章程及授課表清單

第一章 設立及維持 第一條 簡易識字學塾專爲年長失學及年幼家貧無力就學者而設以補助小學推廣教育爲宗旨 第二條 此項學塾視經費所自出得分爲官立公立私立三種 第三條 凡已設之官立公立私立各項小學堂歲入經費較爲充裕者應附設此項學塾 附設之學塾得借用小學講堂教授 此項學塾亦得租借祠廟或各項公所用之 第四條 各府廳州縣勸學所及地方自治職均有籌款設立及維持之責每學期應將境內學塾數目及學生增減之比較在京呈報督學局在各省呈報提學司每年終由司局彙報學部一次以憑考核 督學局及提學司應預定每年推廣辦法分飭地方官及學務人員辦理

第二章 教科及設備 第五條 此項學塾課程專教部頒簡易識字課本國民必讀課本並授淺易

算術教授識字課本時須兼教習字 第六條 此項學塾每日教授鐘點定爲兩小時 第七條 此

項學塾得酌量加授體操作爲隨意科 第八條 此項學塾附設各項學堂之內者其授課時間均以

不礙本學堂功課爲準 星期年假暑假講堂閒暇之日均得酌加鐘點授課 第九條 此項學塾應

按學生年齡及所認畢業年限分班教授如學生人數無多程度亦復不齊則用單級教授法合班教授

第十條 學生不收學費應用課本等項概由塾中發給 第十一條 此項學塾學期定於

第十條 學生不收學費應用課本等項概由臺中發給
 年及二年畢業時均發給憑單註明修業年限及識字若干 畢業後願續進初等小學者聽其一年畢業者得入初等小學第二年級二年畢業者得入初等小學第三年級但以能合初等小學年齡者為限附則 第十二條 此外如有未盡事宜應由督學局或提學司就各地方實在情形量為更定呈部備核 簡易識字學塾授課表

第一年

學科 程度 每星期教 授鐘點 學科 程度 每星期教 授鐘點

國文 簡易識字課本 第一編上下二冊 識字 講讀 六 內習字 兩點鐘 國文 簡易識字課本 第二編上下二冊 識字 講讀 六 內習字 兩點鐘

國民道德 國民必讀課本 上下二冊 講演義理 不課文字 三 國民道德 國民必讀課本 上下二冊 兼課文字 三

算術 簡易珠算課本 第一編上下二冊 加減乘除 及諸等數 三 算術 簡易珠算課本 第二編上下二冊 加減乘除 及諸等數 三

共計 十二 共計 十二

右表所列兩年課程每年各自為圓周如以一年畢業者可但用第一年課程

度支部 奏遵 旨覆陳應行籌備事宜提前趕辦摺

奏為遵 旨覆陳應行籌備事宜謹遵憲政編查館奏定清單提前趕辦恭摺仰祈 聖鑒事宣統

二年十月十一日奉 上諭前經明降諭旨縮改於宣統五年開設議院所有關於憲法之各項法令

及一切機關應即責成該主管衙門切實籌辦其度支部清理財政釐訂稅法等項均屬關係重要不容

置爲緩圖各該管衙門均有應擔之責任著卽迅將提前辦法通盤籌畫分別最要次要詳細奏明請旨辦理等因欽此又准憲政編查館將

欽定修正逐年籌備事宜清單暨該館原奏按語繕印咨行到部查修正清單本年臣部應辦之事有三一頒布會計法係臣部與憲政編查館同辦一釐定國家稅地方稅章程係臣部與憲政編查館各省督撫同辦臣部於上年十二月間業經酌擬辦法通行各省督撫列表繫說咨送核訂並奏派左丞陳宗媯等馳往東洋考察該國會計法規及國家地方各項稅目一俟調查事竣臣等卽當督飭各員參酌本國稅法情形會同憲政編查館妥爲編訂一釐定

皇室經費

係臣部與內務府憲政編查館同辦臣部於上年業經將關於皇室事務衙門歲出經費編具表冊咨送憲政編查館備查在案擬卽按照修正清單會同內務府憲政編查館敬謹調查從速釐定此臣部本年應行籌備事宜之情形也又宣統四年臣部應辦之事一曰確定預算決算查宣統三年預算臣部已於上年試辦現擬試辦全國預算業經釐訂章程及事項清單奏奉

明諭欽遵在案本年應接辦宣統四年全國預算並於宣統四年辦理全國決算以期次第改良漸臻精確此又臣部明年應行籌備事宜之情形也以上臣部應辦各事其緩急先後之序現經憲政編查館開單奏定臣部惟當遵照辦理此外如有未盡事宜或爲該館修正清單所不備者臣等仍當切實籌維隨時奏陳請

旨辦理以仰副 朝廷推行憲政之至意所有覆陳應行籌備事宜緣由謹恭摺具 奏伏祈 皇上聖鑒謹 奏

兩江奏牘

兩江督院張 札甯藩司轉飭各屬僧學兩界不得互相滋擾文

札飭事照得興學爲地方要務自有籌款之方廟產由募化而來未可藉端以奪恭讀光緒三十一年

上諭前因籌備捐款迭經諭令不准巧立名目苛細病民近聞各省辦理學堂工廠諸務仍多苛細甚至捐及方外殊屬不成事體著各省督撫飭令地方官凡有大小寺院及一切僧衆產業一律由官保護不准刁紳蠹役藉端滋擾至地方要政不准勒捐廟產以端政體欽此仰見 先朝豫防流弊以杜

澆風前督院端於宣統元年五月通核江南學界案牘凡僻遠州縣與各鎮地方其訴訟之件出於學堂僧廟互相爭產者十居八九因重申禁令此後辦學一事須責成公通深明學務士紳辦理凡刁紳劣監藉學爲名覬覦菴產一律嚴行懲究凡大小寺院一切僧衆產業均應由地方官凜遵上年 諭旨切

實保護其在宣統元年五月以前凡學堂款已由僧衆施捨或借廟地興學或僧學兩界涉訟已經稟官定案者該僧人等亦不得藉此翻案致啓爭端務使僧學兩界各得其平不相滋擾通飭提學司及甯屬府廳州縣遵照宣統元年十月江蘇教育總會咨呈徐屬各州縣僧徒認捐學款翻控前案請由本督院申明前札之意通飭各廳州縣凡在宣統元年五月以前僧學兩界交涉已定各案如再有僧徒控翻前案者概不准理以杜爭端而維學務等因經本督院批飭甯學司轉飭各府廳州縣一律遵照宣統二年四月據江蘇僧立教育會稟請申明定章劃清自治界限當經批飭江甯自治局會同江蘇籌辦自治處

甯蘇兩學司核明飭遵具復又據僧立教育會稟稱淮海一帶學界爭奪廟產乞恩明定界限等情並抄呈海州各寺報告清摺前來當以究竟各處所爭之產是否宣統元年五月以前已經稟官定案僧衆復思控翻抑係學界近今提議思奪廟產辦學批飭甯學司轉移淮揚海道分飭海州清河縣秉公查明仍遵前札辦理併移江甯自治局江蘇籌辦自治處暨蘇學司併同前案核明飭遵具復在案乃節經通飭仍未奉行泰州海州揚子縣各處均因興學爭產纏訟不休迭起風潮愈經愈烈既失仁人悲憫之懷亦非地方和平之福本督院提倡學務不遺餘力而於因學啓釁之事實不樂聞應再通飭遵照前札辦理以宣統元年五月以前定案爲斷不得藉此翻案各僧衆有樂輸助亦屬熱心公益之舉自應准其捐助至僧人有不守清規違犯法律等事及會借廟產興學或有逞凶衝突等情自當查明按律懲治另選妥僧住持不得藉此取其廟產致啓巧取豪奪之漸庶幾僧學兩界不相滋擾地方秩序得以安甯除行蘇藩學司江南自治局江蘇籌辦自治處甯屬各府廳州縣外合行札飭札到該司即便轉飭各屬一體遵照勿違特札

兩江督院張 札甯藩司財政公所准蘇撫院咨請嚴禁私運米糧出洋以維民食文

札行事宣統二年十二月二十二日准江蘇撫院咨竊照蘇省食米向賴湘鄂贛皖爲來源而以蕪湖接濟爲大宗仍以餘米接濟浙江之民食而以內河行駛爲要素本年新穀登場米價轉漲顯係私運出洋

別懲辦在案惟船路交通隨處皆可走漏蘇省禁止不致有損一漕之計自應分咨各省以收通力合作之效節經飭司委員密查茲據先後復稱一爲影射轉口長江各埠以蕪湖積米爲最多稟請弛禁由蕪輪運到滬一經放出吳淞則是否轉運出洋卽屬無從究詰牛莊爲日本採米之區煙台膠州爲俄德採米之區均用重價購買奸商獲利甚厚甯波汕頭廈門香港各埠輾轉販賣偷運弊亦相等且蕪湖既經弛禁湘鄂贛皖之米皆灌輸於蕪湖轉運出洋一爲夾帶出口奸商勾串輪船水手於艙底裝米上用百貨掩蓋非憑眼線通報洋關扞手亦難覺察每次輪船出口必夾帶三五百石不等此查明上海偷運之弊也崇明孤懸海外棉多稻少向由縣填給護照給商赴內地採運由出口各釐局查驗惟出口之後是否確係運崇則無人顧問此查崇明運米稽查不密亦難保無偷運之弊也川沙南匯寶山三廳縣瀕臨大海並無通航港口若欲出海仍以吳淞爲總機關其距寶山縣治三十里另有石洞港內可通淞外可入海奸商間用小船駁運此查明吳淞石洞港偷運之弊也又有運浙影射出洋之弊紹幫來錫販米必經海甯塘上之過塘行與硤石米行接洽繞越太湖過嘉興以達硤石或由新埠頭進口或由硤石米行接洽應出鼈子門之尖山口出海此路帆船向裝鹽滷進口卽以空船載米出口硤石之東爲乍浦亦可出口不如尖山口之便捷總之硤石一鎮實爲運紹放洋之樞紐此間接之出洋也又有沿江出洋之弊靖江之八圩港六圩港新港口等處均可停泊海船附近之黃橋鎮爲泰興縣轄境裏下河之米皆聚於此黃橋米行運交靖江米行駁上海船此直接之出洋也而米船之繞越出湖則以錫金宜荊爲最甚

錫金雖有湖口四卡曰大渲曰小渲曰冷瀆橋曰南橋然私運米船由老鴉橋蠡橋陳郎倉橋橫山橋長廣溪至獨山入太湖又由蠡橋出大小溪港亦可入湖均可將大渲四卡繞越宜荆出湖卡三處曰烏溪關曰分水墩曰沙棠港然雙溪定跨高瀆洋溪四處均可通湖並未設卡實爲米麥之一大漏卮除分咨並飭屬嚴禁外相應咨請貴部堂請煩飭屬一體嚴禁以維民食而保治安足紉公誼望切施行等因到本督院准此除分行外合行札飭札到該□卽便轉飭所屬一體嚴禁以維民食毋違

兩江督院張

札甯學司准學部咨送初等小學表式分別調查填送查核文

(附條例)

札行事宣統三年正月十三日准學部咨普通司案呈照得初等教育爲城鎮鄉地方自治之職務故其學堂設立及維持胥應以地方財力爲擔負之資本部現頒地方學務章程及施行細則於籌款之法及擔負義務之人皆逐項規定小學經費自不患其無著惟地方財力至爲不齊其有款可籌之處自可照章辦理如或實係瘠土窮鄉財力匱乏地方自治團體不能舉辦初等小學者自不能不以國家之力量爲補助本部對於此項地方之學堂擬分兩起辦法一已設學堂不能常久維持者一擬設學堂不能全力擔負者俱分別調查其實在情形以備將來量爲補助之地惟須實係財力支絀之地方及學堂爲城鎮鄉之名義所立不屬官治以內亦非私人所設爲一家子弟之教育起見者方能按照辦理該提學使卽於文到一個月以內分遣委員前往各府廳州縣確實調查將現在已設或擬設之初等小學堂按照

表式分別填寫毋任虛飾限於宣統三年五月以前到部由本部彙齊查核後再行酌量情形分別辦理

表式札發札到該司即便遵照指飭各節派員切實調查分別填註依限詳候核咨毋違

調查已設初等小學經費表填寫條例 一府廳州縣名均指直接管轄城鎮鄉者而言應填某府某

縣某廳某州 一城鎮鄉名應以學堂所在之地填明某城某鎮某鄉 一學堂名稱如用第一第二

等字爲標識或用特別名詞冠首稱爲某某學堂之類均須分別填明 一學堂緣起如學堂開辦爲

地方官助立或某處公衆捐立或某人捐立只單簡填數字不必詳敘 一開辦年月填光緒或宣統

第幾年幾月 一學生班數名數應填幾班共若干名 一曾經畢業名數應填共若干名 一教員

數只填一數目字 一年薪數應填明銀若干兩若干元或制錢若干串 一雜費除教員年薪之外

皆爲雜費填明銀若干兩若干元或制錢若干串 一已有的款數填明銀若干兩若干元或制錢若

若干串 一不敷款項應將確數填明銀若干兩若干元或制錢若干串 一附記如以後擬某年推廣

班次不敷約數及其他不在上列各項 一填寫各項均應簡明不得冗繁

調查擬設初等小學經費表填寫條例 一府廳州縣名及城鎮鄉填寫之法同前表 一設學區域

里數係指擬定設學之某城某鎮某鄉地方之廣狹應填明南北相距若干里東西相距若干里 一

就學兒童應就設學區域內之學齡兒童約計一總數填入 一擬定開辦年月若尙未十分確定只

填年不填月亦可 一開辦費在何處籌措應填明現提公款若干或集有捐款若干或某人等擔任

捐助或尙無法籌措務須切實填明不得含糊 一擬設班數應以就學兒童之數爲準計算既定照數填入 一教員數即以班數爲準班數既定即可擬定教員數填入 一年薪約數應以附近已設學堂所聘教員爲比例應填明約銀若干兩若干元或制錢若干串 一雜費指年薪之外全堂常年所費而言應逐一計算填明約銀若干兩若干元或制錢若干串 一本處可籌的款指常年確實可靠之款應填明的銀若干兩若干元或制錢若干串 一不敷款項約數係常年應用各款除的款外尙欠若干即照數填明銀若干兩若干元或制錢若干串 一附記應填上列以外各項

兩江督院張 札江甯調查局准粵督咨送粵省統計學講義請發局備查文

札行事准署理兩廣督院張咨據廣東調查局司道稟稱竊照憲政編查館奏定各省調查局辦事章程內第十二條載其統計事項按照館定表式並札飭司道及府廳州縣衙門添設統計處選派專員就該管事項分別列表彙送調查局等語又查光緒三十四年憲政編查館奏奉 諭旨飭令京外各衙門

添設統計處選派專員辦理等因欽此遵經前任兩廣總督部堂張通行添設派員辦理在案前由職局調查省城各署局所均已遵設而省外各屬未設立者居其多數良以統計之學在吾國爲萌芽不得其人貽誤與未設立統計處者等因思泰西統計列爲一種專門科學日本仿刊統計年鑑遲至明治十五年推其進步之原因先在靖國神社附屬地建設統計學校研究統計之學理舉行畢業後即派各省署

充統計編纂之任調查得其方法材料即能整理不數年間加入萬國統計協會此形影在人

職局略師其意適於本年(指庚戌)四月間請奉前署兩廣總督部堂張批准設立養成統計員所

職局略師其意適於本年（指庚戌）四月間詳奉前署兩廣總督部堂奏批准立養成統計員所請
統計學員以百名爲額延訂日本松山豐造教授統計學廣東法政學堂教員分講行政法算術表式表
解等學科期滿畢業復令在局實地練習一個月分派各府廳州縣統計處辦理統計事項由疏而至密
祛僞以存真俾統計年鑑之刊不致全失信用所有養成所統計學講義理合檢呈十部仰懇咨呈憲政
編查館另備二十二本並祈分咨各省督部堂撫部院轉發各該省調查局備查等情到本署部堂據此
除咨呈憲政編查館暨分咨督部堂撫部院外相應咨送查照希即轉發調查局備查等因到本督院准
此除咨復外合將講義札發札到該局即便查收備案毋違

兩江督院張

札蘇法司准法部咨已設審判廳地方其行政各衙門審理未結案件交收辦法文

（附原咨）

札飭事宜統三年正月十一日准法部咨宥恤司案呈所有前事等因相應抄單行文該督轉飭一體遵
照可也等因並抄單到本督院准此合行抄單札飭札到該司即便分別移行一體遵照毋違

通咨事本部於光緒三十三年十一月初三日奏准京城各級審判廳定期開辦謹陳大概情形摺內
開京師自裁撤五城御史後凡民事訴訟及刑事稍輕案件均改歸內外城豫審廳審辦今各廳既已
成立所有豫審廳未結各案自應分期交代擬由民政部札行該廳所有承審各案凡易結者仍從令
速清釐其不能速結之案無論民刑事件均由該廳先行檢齊卷宗開明案由若干起造冊送交地方

審判廳接收再由地方審判廳核明民事刑事應歸何廳收審者卽轉知該廳逐起分期行文接收並由豫審廳點驗犯證出具清單分別交代等因在案現各省省城商埠各級審判廳開庭在邇所有關於交代事宜自應預爲規定以昭慎重而免紛歧凡已設審判廳地方其行政各衙門審理未結案件除易結者仍令從速清釐外其不能速結之案無論刑事民事均應檢齊卷宗開明案由若干起詳細造冊送交該省地方審判廳接收再由該廳核明民事刑事應歸何廳收審者卽轉知該廳逐起分期行文接收並由該原審衙門點驗犯證出具清單分別交代統限於開庭後定期一律接收清楚不得稍有遺悞嗣後民刑訴訟案件概分別改由初級地方審判檢察各廳起訴以昭畫一而專責成相應咨行各省督撫轉飭提法使遵照辦理可也

兩江督院張

札蘇法司准東督錫吉撫陳咨送檢驗新知識一書文

札飭事准

東三省督
吉林撫院錫陳

咨案據吉林提法使吳淞詳稱案據檢驗學習所詳稱據本所第一班學生王慶

甲等將平日課餘筆記編成檢驗新知識一書呈請核轉前來據此監督查該書內分窒息殺死損傷毒淫墮胎精神中毒雜傷發變毛髮血液骨骼十二類都十二章其根據於法醫格致學者十之六生理解剖學者十之四記述簡要考核詳明於檢驗應用之機關不無小補竊維世界進化致死之法層出無窮檢驗手續久非洗冤錄所能賅備茲該生等各抒心得彙纂成書爲研究檢驗學者一新耳目其志可

整理各將檢驗新加坡排印一百二十冊是也查該司可否轉詳督憲核辦各該司各送法部備查
撫憲轉發各省提法司及各檢察廳之處乞鑒核等情據此查該所學生王慶甲等所編檢點新知識一
書考核詳備於法醫格致解剖諸學頗能融會貫通足徵成績除批示嘉獎外理合檢同檢驗新知識一
百冊詳請鑒核分別咨送等情據此除批示並分咨外相應檢同送到檢驗新知識備文咨請查照轉發
施行等因並書到本督院准此合行札發札到該司即便查收排印通行遵照以資參考仍檢三十本送
查毋違

兩江督院張 札江甯勸業道准農工商部咨復南洋勸業會場開設工廠應准立案仍飭將章程
送部備核文

札行事宣統三年正月二十二日准農工商部咨接准咨稱據江甯勸業道詳稱此次南洋勸業會原以
提倡實業現在閉會而場地遼闊善後之策必須設立工場且邇來貧民生計日蹙非此不足以安置查
江甯官用及軍學用品每年由官款購置者甚鉅如能設局自造既免與民爭利而於小民生計裨益亦
多擬請咨部立案並通飭軍學界嗣後由官款定購之品均歸該廠承造既挽利權該廠亦得持久擬訂
簡章詳請批示等情到本部堂據此當批詳摺均悉應准照辦候即分札兩江督練公所江甯藩學兩司
遵照仍候咨請農工商部立案除印發並分行外相應咨請查照立案等因前來本部查現就南洋勸業
會場基址開設工廠專收貧民教以工藝並承造本省軍學兩界用品免致利權外溢自係爲擴充實業
挽回利權起見應即准予立案仍希飭將章程送部備查相應咨復貴督轉飭遵照可也等因到本督院

准此合就札行札到該道即便遵照勿違

兩江督院張 札上海道據督練公所楊參議等呈請飭道行縣撥歸各學校營地一律豎立界碑
文

札飭事據督練公所楊參議等呈稱竊據查勘台營基界局委員鍾丙熙呈稱竊照職局查勘吳淞一帶砲台營盤基地擬於各該處劃界建碑惟查寶山縣檢來台營基地卷內興利恒源兩公司原領吳淞舊砲台基及營基官地除現在留爲操場地計九十六畝五分外有撥歸商船學校地七十四畝二分八釐撥歸復旦公學地七十七畝八分四釐撥歸漁業公司地四十三畝七分二釐撥歸水產學校地六十七畝五分六釐撥歸中國公學地一百五畝六釐四毫查各學校原係撥歸請作建築校舍之用現在各地多屬空閒但無論已否築有校舍既經撥歸則各校存立之一日卽歸各校領用如或有停辦遷移之事則該地係由營基撥用財政公所尙有購買台營基地案據卽應見還不得轉押杜賣情事以重防地此次應請一律建立營基界碑編列號數庶免日後遺失應懇憲台轉呈督憲札飭上海道轉飭寶山縣及各學校一體遵照辦理俾職局得以前往次第勘丈豎碑及時歲事所有擬請將撥歸各學校營地一律豎立界碑緣由理合具文呈請鑒核示遵等情據此職等伏查吳淞舊砲台基地及營基官地既經撥歸各學校以備應用無論已否建築校舍自應一律豎立營基界碑編列號數以免日久轉押杜賣致滋流

各學校以備應用無論已否建築校舍自應一律豎立營基界碑編列號數以免日久轉押杜賣致滋流
照辦理具復勿違

兩江督院張 札震澤縣再行示禁雙揚鎮舉賽水會文

札飭事案照震澤縣雙揚鎮向有賽水會之事每十年舉行一次糜費金錢甚鉅勞民傷財易滋事端實屬有損無益本年爲出會之期前經本督院札飭該縣先行出示嚴禁在案茲距三月賽會之期已近訪聞該鎮仍有照舊歛錢預備出會情事如果非虛殊屬玩視禁令合再札飭札到該縣即便遵照先今札飭事理再行出示嚴禁並照會自治公所紳董及移行該管營汛巡檢設法勸導妥爲彈壓禁止如已集有賞錢並令留爲地方公益之用不得仍行出會浪費倘敢故違卽查明爲首之人提案究懲以儆藐玩仍將遵辦情形申復察核毋違

兩江督院張 批裕甯官銀錢局詳委員蔡令稟晉大鼎昌祥合泰祥三戶倒欠銀兩擬在公積項下彌補請立案由

晉大等欠帳折虧銀至九千數百兩之多雖據稱可歸入公積撥還彌補究竟吃虧太甚嗣後務宜督飭各分局莊凡有銀錢往來切宜審慎不得任意濫放債款倘再有倒欠情事卽着落經手人賠償不得以此次之歸入公積撥還彌補爲比例卽通飭各分莊局遵照此繳

兩江督院張 批徐州道稟沛縣新團地畝擬請續行升科並增收地價抵充租款由

據稟已悉沛縣新團地四百八十餘頃歲收租錢三千八百餘串既爲撥補 衍聖公祀費及抵充徐防兵餉之需現在地勢漸高已成沃壤如能查辦升科以裕正供自於公家不無小補惟如何酌增地價如何改租爲賦應否由道督飭地方官辦理事關糧課候札行甯藩司妥議詳復再行飭遵仰卽知照繳

兩江督院張 批太平廳稟迭遭災歉擬照舊章浚港築堤以除水患由

農田水利民瘼所關該同知倡議籌修援業戶出食佃戶出力章程按畝派工如果辦理得宜實足興利除害惟須妥爲勸導使民樂從不可稍事抑勒騷擾至以爲要仍俟辦有端倪稟報察核仰蘇藩司轉飭遵照並候撫院批示繳

兩江督院張 批太平廳稟城鄉違禁售吸洋烟各案辦法由

兩稟均悉禁烟爲憲政要點該令於城鄉違禁售吸洋烟各戶及本署私吸洋烟各書役查明分別懲辦具徵辦事認真力除痼疾使人人可以自強洵爲知所先務惟作事易於圖始難以要務須隨時稽查俾得根株永絕是爲至要仰蘇州禁煙公所轉飭遵照仍候撫院批示此批稟併抄發

兩江督院張 批桃源縣詳觀音菴僧人不守清規擬將菴產充作自治所費用請批示立案由

據詳已悉查前因泰州海州等處均因興學爭產纏訟不休業經本督院查案通飭所屬一體遵照凡大小寺院僧衆產業均應由地方官欽遵光緒三十一年 諭旨切實保護如有僧人不守清規違犯法律等事自當查明按律懲治另選住持不得藉此取其廟產致啓巧取豪奪之漸並經札行該縣遵照在

案原以寺院爲古蹟所關應在保存之列今該縣以觀音菴僧人不守清規擬將菴產充入自治事務所

律等事自當查明按律懲治另選住持不得藉此取其廟產致啓巧取豪奪之漸並經札行該縣遵照在案原以寺院爲古蹟所關應在保存之列今該縣以觀音菴僧人不守清規擬將菴產充入自治事務所經費之用並稱香火久缺該菴又係私家公建自與歷代勅建之寺院不同仰甯藩司會同提學司江南自治局查核轉飭妥辦僧法潭既係不守清規應卽勒令還俗所請將伊師自治之田撥給養贍一節無庸置議仍錄報撫院查考暨候批示繳

兩江督院張 批蕭縣稟拏獲匪犯張玉先等請委審懲辦由

稟摺均悉查核該犯張玉先供詞祇係擄捉馬姓一節有事主姓氏而無勒贖錢數其搶劫牲口衣物一節究竟事主何人得贓若干係何日之事均未供吐明晰似此供情含糊似難率准委審稟辦仰蘇提法司飭再提犯張玉先復訊確情錄取詳細供詞按擬招解並將陳桂林復審明確分別辦理一面比捕會營上緊勒緝逸犯萬三行等務獲究報仍候撫院批示繳摺存

兩江督院張 批常熟縣稟民人倪明書等在江陰戴巷被搶捆毆關禁情形由

稟悉此案昨據江陰縣劉令具稟當經批飭迎提被擄人牛並移會該縣查拏滋事首要盧國英等務獲移解訊辦現復據劉令稟稱提訊解到之戴和寶等所供核與該縣抄單互有異同請飭該縣責成沙董先將被累各家量予賠修一面由縣諭飭鎮董趕將所遺麥車送回原主具領嗣後各釋怨嫌照常交易至本案如何審辦之處已奉撫院分飭蘇常二府會同查辦等情查兩縣民人因事滋鬧自應持平妥辦以昭折服而弭衅端未便各存意見仰蘇提法司卽飭蘇常二府會同查明實在情形秉公辦理稟復察

核並飭該縣遵照仍候撫院批示繳

兩江督院張 批宿遷民人王治均稟被匪搶去牛驢衣物等件叩飭提窩家押交搶匪由

據稟該民家被匪搶却爾嫂朱氏受傷身死既係二月之事該縣因何延擱十月之久尙不遵章稟報廖秉武既爲著名搶匪業經差保拏獲何以復爲查鴻恩所留並不解案情果不虛該縣殊爲玩視民瘼仰蘇提法司立飭宿遷縣限文到三日內先行查明稟復一面緝盜追贓詳辦均毋玩延干咎切切稟抄發抄粘存

兩江督院張 批江西贛州府稟訊擬龍南縣差廖有等藉票訛擾一案乞示由

稟悉查該役廖有等於並非歸其承辦案件胆敢私取廢票頂名往傳復敢糾衆扭毆雖無毆傷黃瓊英母嫂情事而借端訛擾實屬知法犯法自未便因其供詞狡賴稍涉寬縱所請將廖有廖太廖福宋彬等革去卯名入習藝所工作三年以示懲儆之處應由司核明飭遵宋彬既未解訊亦飭縣就近遵辦分飭縣嚴緝監獄家人楊姓務獲究追一面由縣備文移催沈前革令速將未經移交充公洋元交收具報以杜侵欺除逕行該府外仰西提法司分別辦理仍候撫院批示繳

江蘇撫院程 奏學務公所各員紳年滿請獎摺

奏爲蘇省學務公所任事已滿三年各員紳照章請獎恭摺開單仰祈 聖鑒事竊查學部奏定學務

奏爲蘇省學務公所任事已滿三年各員紳照章請獎恭摺開單仰祈
聖鑒事竊查蘇省學務公所成立以後起算不得牽算從前學務
供差又至五年之久不論有無官職一律均照異常勞績請獎至三年屆滿未經按照尋常請獎者如五
年屆滿亦准一律按照異常辦理惟請獎人員年限應自學務公所成立以後起算不得牽算從前學務
處年月等語茲據蘇州提學使樊恭煦詳稱蘇省學務公所係於光緒三十二年十月成立所有在事各
員除科長徐光煦科員鮑秉忠等願俟扣滿五年按照異常勞績請獎外查明已屆三年之科長科員省
視學等十員按照有職無職分別酌擬獎勵等差開造任事年月履歷清冊詳請 奏咨核獎等情前來
臣覆覈無異謹將請獎各員紳開繕清單恭呈 御覽合無仰懇 天恩俯准勅部照擬給獎以昭
激勸除將履歷清冊分咨吏部學部查核外理合會同兩江總督臣張人駿恭摺具陳伏乞 皇上聖
鑒訓示謹 奏宣統三年二月初五日奉 硃批該部議奏單併發欽此

蘇省學務公所年滿各員紳請獎清單

總務科科員翰林院待詔銜浙江詢問教職朱用賓圖書科副長七品小京官蔣元慶均擬請 賞加
五品銜 前普通科科長指分浙江試用道江衡擬請 賞加二品銜 圖書科科長同知銜卓異徐
州府教授王亦會擬請 旨交部議敘 會計科副長兼統計處委員江蘇候補直隸州州判夏際唐
省視學山東補用知縣朱錦綬均擬請 賞加同知銜 會計科科員選用知縣張傳言擬請 賞
加運同銜 專門科科員兼統計處委員增生王積沂擬請 賞加州同職銜 省視學優增生吳亮

欽擬請 賞加通判職銜 前省視學廩生侯鴻鑑擬請 賞加中書科中書銜 宣統三年奉

硃批覽欽此

江蘇撫院程 奏職董陳作霖等辦理仁濟善堂請立案片

再據蘇松太道劉燕翼詳據上海仁濟堂職董陳作霖等呈稱上海仁濟善堂發起於同治六年辦理惜字放生等事名曰文明局繼又酌行善舉名中和局迨光緒七年故紳施善昌邀集同志擴充各項善舉宣讀 聖諭以正人心設立義塾以啓童蒙惜字恤嫠瞻老施醫給藥施粥散給棉衣年米刻印善

書施捨棺槨設義塚掩骼埋胔等種種慈善事業靡不力籌更名曰仁濟善堂與各善士勉力集捐三千餘金爲基礎嗣後逐年募勸各業捐助銀錢或撥助基地房產及堂中自置各產均有道契爲憑復於光緒十八年釐訂規條並於道庫外銷項下每月撥銀一百兩添設育嬰堂廣爲留養逐年經費增多出款每年需銀三萬數千兩至四萬餘兩不等此外凡遇鄰省本省水旱災荒另設協賑公所多方勸募選派妥友分往查放義賑或勸集賑款解往以助計歷辦晉豫順直皖鄂暨江南北偏災賑撫集款不下百數十萬屈計三十年來故紳施善昌與諸善士殫精竭力克底於成尤賴駐堂紳董鹽運使銜直隸候補知府劉芬綜攬大綱潔已奉公將堂中各善事督同司事人等悉心辦理措置咸宜惟恐日久弊生無以信今而傳後呈請 奏咨立案由道覆查該善堂設立既久踵行善舉籌助賑需均屬不遺餘力允宜維持

久遠等情詳請具

奏立案前來臣覆查無異除咨民政部查照外理合附片具陳伏乞

聖鑒訓示

今而傳後呈請 奏咨立案由道覆查該善堂設立既久踵行善舉籌助賑需均屬不遺餘力允宜維持久遠等情詳請具 奏立案前來臣覆查無異除咨民政部查照外理合附片具陳伏乞 聖鑒訓示

奏宣統三年二月初五日奉 硃批部知道欽此

江蘇撫院程 奏考試道府以下各員分別留省

再前准憲政編查館咨行奏定考試外官新章當經飭酌議辦法咨部立案所有在省候補道府以至未入流報考傳考各員飭據蘇藩司分別新舊到省先後詳送考試業經臣考取一等二員二等十二員三等十員行司照章辦理在案茲據蘇州布政使陸鍾鐸將錄取等第各員查照定章分別留省差委並送入法政學堂肄業造冊詳請 奏咨前來除將錄取等第員名彙繕清單咨部查照外謹附片具陳伏乞 聖鑒謹 奏宣統三年二月初五日奉 硃批該部知道欽此

甯藩司樊 奉督憲札准度支部咨取圖書館開支細數表冊文

札行事准度支部咨制用司案呈准兩江總督咨據江甯布政司樊增祥等詳稱案奉札准學部咨江南圖書館之設原為保存國粹造就通才起見係屬永久設立性質與通志局一時設立者不同此次度支部飭卽歸併通志局辦理亦係慎重經費之意應由兩江總督查看情形如江南財政艱窘不如將通志局歸入圖書館辦理較為節省一俟事竣仍將通志局裁撤專辦圖書館以杜糜費而符奏案咨行查照轉咨度支部辦理等因准此札司遵照核議當查此案前准清理財政局來移圖書館歸併通志局公同議決每年減銀六千兩免予歸併茲經往返移商通志局開辦未久成書甚為踴躍與圖書館性質不同書竣卽須裁撤只須遇事節省似亦勿庸歸併等因據此除咨明學部外相應咨部查照辦理等因前來

查江南圖書館預算經費銀三萬四千四百餘兩先經本部核減定爲二萬八千四百餘兩復經本部電令歸併通志局可省銀一萬兩旋據該省電復允減銀六千兩茲復據兩江總督咨稱前因并聲明通志局與圖書館不同書竣卽行裁撤只須遇事節省擬請免予歸併所有該館常年員司薪水雜支等項應令將開支細數列表造報以憑查核相應咨行兩江總督轉飭遵照可也等因到本督院准此札司移行圖書館一體遵照辦理

甯藩司樊 奉督憲札據江浦縣電稟浦口移卡開辦商民聚衆滋擾應委員前往查辦文

札行事據江浦縣曹令運鵬東電稟稱六合張家堡釐卡移設浦口二月朔日開辦知縣先一日馳抵浦口剴切示諭傳集鎮董切實開導商民俾知移卡係收固有之捐並非重征擾累務各安業勿得誤會生事並發牌示鳴鑼肩傳勸諭今日親率差役及警察巡防兵勇多人彈壓正在莊委員船中叙談不料忽有數百人蜂擁江邊而來知縣與董事急上岸開導解散人多勢衆不容分說齊用磚土向船亂擲窗櫺均被打毀莊委員及從人等走過別船知縣祇得保護開駛及來解散人衆已一闕而散除查明會否失物另行稟報並嚴密訪拿首要詳辦外謹將大略情形先行電稟等情到本督院據此查此事昨據諮議局議長函呈浦口自治公所來電並商人蔣旭初及江浦縣曹令先後稟詳均經批行在案茲該處商民竟敢聚衆滋事意在阻撓移卡實屬不成事體曹令此電已併稟該司應卽由司委員前往查明情形斟

札飭事本月(指正月)十二日據山陽紳士朱占科秦保愚何福震王道隆何實恆丁迺嘉阮師凝等電稟稱山陽現擬辦以工代賑准軍王倬忻熟悉工程仰懇憲恩暫留半年以資佐理伏乞示遵等情到本督院據此查紳民保留地方官本干例禁惟事關工賑應否照准合就札行札到該司即便酌核飭遵具報

甯藩司樊 准學司移奉督憲批閩閩善堂貞女李果修真控凌貞女孝德一案文

轉行事奉督院張批住持閩閩善堂貞女李果修真稟奉票驅逐懇恩賞辨真偽以懲誣詐由蒙批查此案前據甯學司核議詳復將該善堂兩旁房屋及田產等每年所收租息照數分攤一爲安徽教育總會甯垣事務所常年經費一爲開辦甯蘇女子師範學校經費其正宅善堂仍歸凌貞女孝德爲靜修之所再堂內年例由府發助老米八十石亦請照案領給以濟寒苦而示矜恤等情當經批准照辦并飭分別移行一體遵照在案茲據李貞女一再具稟併據閩閩善堂孤苦老邁孀婦劉邵氏等稟稱各情究應如何辦理方臻妥協仰甯學司轉飭江甯府酌議核辦飭遵具復此批兩稟均抄發等因奉此查此案前奉憲飭並准安徽教育會甯垣事務所來咨以和平之法爲之排解詳復批准當經移會貴司查照一體飭遵暨札江甯府先行給諭該貞女凌孝德前往該堂住持并行縣一體遵照各在案惟該善堂奏咨全卷本司衙門無從稽考茲細譯抄粘李果修一再赴院具稟兼以該堂年邁孀婦劉邵氏等代爲伸訴情詞悲

閱究竟前住持該堂之徐孝音故後是否凌貞女孝德抑李貞女果修住持堂務年例發給老米是凌是李具結請領劉邵氏等是否該堂孀婦但此案互相爭執終非持平之道自應澈底根究以服人心而臻完善茲奉前因除飭江甯府立即遵照憲批辦理尅日查明詳復核轉以免纏訟而維善舉并飭承抄錄該善堂奏咨全案呈送備核毋稍偏延外移司查照飭遵

署甯學司李 批泰興縣監生王見仁等稟興立小學公叩飭縣立案由

據稱該生等集貲興學黃宗岳何得心懷疑忌從旁阻撓况以藉學爲名侵漁廟產并收捐款入己敷衍抵飾之人而敢出此尤可駭怪仰該縣按照所稟各情秉公澈查究辦具復毋涉延徇至該生等所辦小學並仰轉飭造具簡章開列籌定經費若干及學生姓名年歲清冊呈送核奪再行立案此批

署甯學司李 批高郵州單級教授練習所學員謝弼梁稟重權利而輕義務請鑒核批示由

據稱該講員王業修貪漁私利損害公益頗負地方義務之責如果屬實該講員自應遵照公論補授功課以副桑梓屬望與給貲練習之本意仰高郵州照會教育會勸學所員紳轉飭該學員力求振作有則改之無則加勉慎毋挾嫌負氣破壞聲名欲以一指掩衆人之耳目也切切此批

署甯學司李 批上元縣自治研究所畢業生沙汝霖稟籌設清真兩等小學呈送章程請立案由

該生組織回教籌設小學熱心教育洵可嘉尙惟摺開初等課程應減去地理歷史格致三門多加國文

謹點一律四年畢業始與去歲部頒改訂新章相符即遵照辦理造具教員學生姓名年歲清冊并稟定

寧屬清理財政局 批布倉大使申送預算宣統四年收支各款表冊由

該大使造送宣統四年預算分冊表經本局逐細審核舛錯之處甚多所有歲入歲出各款凡係錢數者未遵局頒例言第五條辦理又如活支各款雖難預計而本局前頒例言第二條亦經聲明凡無定額而又難預計者應以前三年之數平均約計填列該大使亦未遵辦歲出歲入兩門各類所列各目除廉俸二目外其餘所填三年預算之數均與上屆表列之數不符似此參差錯誤之表冊本局礙難彙編應將原送表冊各四分一併發還仰即遵照今批依式另行填註妥冊表於批到三日內申送核辦事關憲政如再率忽逾延定干嚴議凜遵切切再表列幣字係指新定銀國幣而言非現在通用錢幣也並著知照此批

江南財政公所

詳復督憲遵飭核議清河縣平糶虧耗之款事前並未報明仍難擬准核銷文

詳復事據振務處提調案呈本年正月二十一日奉憲台札開據淮揚海道甬道詳稱竊據清河縣知縣陳習謨詳稱案奉憲台札准江南財政公所移開據振務處提調案呈本年十月十七日奉督憲張批本公所詳復遵批核議清河平糶之款礙難作正開銷俯賜核奪飭遵由奉批詳悉清河平糶所領之款既屬借撥並無准銷折耗之案自難准予作正開銷仰即備移甬道轉飭另籌補解以重公款此繳等因抄詳移道札縣轉飭商會另籌補解等因下縣奉此遵經照會該商會遵照籌解去後茲據牒稱本年春間

舉辦平糶承前縣尊陳約同敝會幫同經理一切敝會以事關地方公益未便固辭當時僅認代辦糧食並按號輪派夥友到廠辦事不領薪水以盡義務至糶欸之如何籌畫折耗之如何勻銷均非敝會應問之事嗣撤廠結帳共折耗錢九千六百八十六千九百二十二文復准前縣尊請示道憲傳諭敝會將折耗之欸歸江甯江北公家各半分攤等因會由敝會遵照造具銷冊以清經手茲准前因相應將平糶一節與敝會毫無干涉緣由備文牒復牒請據情轉稟等因前來伏查該會今春幫辦平糶係由前縣陳令宗雍約其同盡義務既爲採買糧食又未開支薪金此項折耗錢文如果責令籌補不特該會未能承認且轉瞬交春復須令其幫同經理糶事未免阻其急公好義之忱據牒前情相應詳祈轉請准予核銷免令籌補等情據此職道復加查核尙係實在情形似應俯如所請准予核銷庶免公款久懸除咨復財政公所查照外相應詳祈批示飭遵等情到本督院據此當批詳悉候再札行江南財政公所妥議詳復另行飭遵仰卽知照繳除印發外合就札行該公所卽便遵照妥議詳復以憑飭遵勿違等因到所奉此遵查清河原借平糶錢一萬串係由淮揚海道爽道電稟台飭據財政局在於應放甯屬圩工項下暫行挪撥之款嗣據清河縣轉呈商會銷冊忽稱折耗錢四千八百四十餘千並據爽道請將折耗作正開銷等情奉飭核議當經本公所查與原案不符礙難擬准詳奉憲台批飭轉行另籌補解在案茲核該道轉據清河商會復稱春間舉辦平糶係陳前令約其同盡義務至糶欸之如何籌畫折耗之如何勻稽均非

商會應問之事等語語音如新言則是清河開辦平糶係由陳前令與商會不無代辦之勞夫既代辦

商會應問之事項等語。如所言則其情可謂難平。惟系由陳令派員辦理。今遇查案。據並無清河呈報辦難文件。即或違自應將如何籌款開辦。終日費如何折耗之處。先事陳明。今遇查案。據並無清河呈報辦難文件。即或違原電亦則曰借款撤廠繳還並未提及折耗之事。未免前後不符。況上年官辦平糶虧折之數如海州等屬。不過八折。上下清河以原借錢一萬串。竟耗至四千八百數十千。已將及半。如此鉅虧。乃事前不置一辭。直至事後遽行造冊請銷。恐有不實不盡。本司再四思維。該道所請作正開銷之處。似難擬准。至商會仍藉口爲陳令宗雍約同辦理。擬即責成陳令查明當日情形。切實稟復。再行核議。詳辦奉札。前因理合具文詳復。仰祈憲台電鑒。俯賜核奪。飭遵實爲公便。

江南財政公所兼電話局 批第一第二初級審判廳檢察廳呈請免收德律風月費由

據呈已悉。查電話爲營業性質。本局額領經費甚少。現復極意推廣各項支銷。全恃按月收費。稍資挹注。所有陸軍各協各標巡警總分各局區。以至南北捕廳。雖同屬行政之官署。無不照章收費。該廳事同一律。所請免費之處。碍難照准。此批。

江南籌辦地方自治總局 申報督憲本局附設自治研究所自費生現已畢業。照案停辦文

申報事竊。職局遵照部章。附設自治研究所一所。業經各屬分期申送研究學生肄業。歷屆辦理畢業。稟由憲台給發文憑。在案。嗣因奉飭裁減經費。擬將該所停辦。復以該所附有自費學生。正在肄業期內。未能遽停。稟將該所先停經費。俟自費畢業後。再行停止。均經詳奉憲批。遵照辦理。茲該所於去年十二月自費生已經畢業。自應照案停辦。除飭知該所長外。理合具文申報。仰祈憲鑒。查考。

江南籌辦地方自治總局 批江甯縣詳送王克賢稟呈農業研究會章程是否可行請示由

據詳附貢生戴佩瑜等稟請組織農業研究會等情據此查該會既以研究爲名自應以考察土宜講求農學爲主不得涉及政治規則第一章乃以保護權限自任已屬非是其第五章保護情事各節於訴訟錢糧等事亦欲一手把持荒謬狂悖顯係藉端漁利除該會應否准其設立應由勸業道批示飭遵外所擬踰越權限各條於自治關係甚大仰卽勒令更正仍由該縣隨時嚴加管束如敢抗違立提究辦以儆刁劣而維治安此繳

江南籌辦地方自治總局 批江甯縣詳准章紳廣祺牒報縣屬東南各鎮公立自治研究所敢用圖記由

據詳已悉應准立案惟據稱於自治組織會中附設研究所一所先後報明批准立案等語查此案前據鎮董李國銓等稟請設立組織會以其措詞含混與自治事務所權限不清批駁在案何以該會迄今仍舊存立殊屬不合仰卽飭令解消具復此繳

江南籌辦地方自治總局 批泰州稟據事務所函詢李壽開被控應否剝奪選民權乞示由

稟悉此案既由勸業道札府復查應候澈查定案後再行定擬現在選舉期迫李壽開既無受賄舞弊實據自不能遽奪其公權至公罪私罪分別亦應如該州所定不得以關係個人之事概指爲私罪仰仍將

銳器傷者卽刃器之傷也分爲二種切傷與割傷是也如以刀劍剃刀剪刀或玻璃等所切之傷謂之切傷其切傷形狀通常爲直線狀創緣銳利平滑無有挫潰由創面進於創底漸次狹窄如楔狀惟刃物之已鈍者則有時成鋸齒形又有因圓骨而成曲線者不過因其刃之銳鈍與部位之不同而有差異其最可懼者以出血爲第一如傷於頭部而出血太多則成腦病傷於血管則有關生命傷於神經中樞與喉頭部其危險更不待言若傷及四肢與頭部而不關係神經與髓則不過一創傷而已割傷較切傷爲重卽由強大暴力重器具所生之傷也如斧斤之類而加以打力多有穿透骨體其邊緣恰如挫傷樣狀所最危險者頭蓋受割傷往往有發腦挫傷震盪症狀其骨質僅於外板帶有小淺溝或破碎骨之一部分且有帶陷沒情形者並有現肉痕闊大花紋交出之狀態此爲鑒定之確據

刺器傷

刺器傷者以器刺入筋肉之謂也無論有刃與否必爲尖銳狹長之器始可謂之刺器卽刀劍圓錐小刀鎗桿等是也其受傷之表面謂之刺創口或刺入口傷口孔謂之刺創管

間有穿過對面而成爲刺出口者不過十中之一二因刺入口之形狀可以斷言使用器具之形狀蓋無論一刃二刃及圓錐之刺入其皮膚上必作破裂狀例如傷口有收縮性其傷口之寬闊應較器具爲小然於實際上驗之而反大焉者以器具刺入之後復引而出之故較器具爲大又如刺入口進於深部漸漸狹小而作直線狀者居多然亦有變易其方向者若刺器遇骨骼或裝置於身體間之硬固物其尖必避此部而向他方組織進入此時變易其刺管方向者往往有之

多稜器傷

多稜器之創口從其稜角之狀而異有星芒形有三角形有方圓不整形又有變易反對形如星形角形不整形僅就刺創外部而言惟變易反對形更須就其內臟檢之內臟者即在胃壁腹膜與粘膜之間其傷痕與皮膚同而不同者及傷方向與發生之物恰成反對形狀以上諸器損傷當檢查時必問其曾否有醫調治如有醫調治者其用綑帶包裹傷口必請醫生到場方可施解綑帶萬不可自己私解如調治之醫不在近旁或有代理者亦可恐有進入風邪以致殞命之故或受傷後兇器已獲必視其傷是否與此器相符

銃器傷

銃器損傷亦非一致有因距離遠近而異其創口有因射擊方向而殊其輕重有因銃器種類甚多而傷口各別有因彈丸物質不一而分圓尖破裂等形此亦檢查之極難事也如受距離近者之銃傷其射出口比射入口必較小若係圓彈丸其傷口呈圓形或橢圓形若係尖彈丸其傷口呈破裂狀或三角狀射入口近圍皮膚及毛髮等因之有硝藥燒傷部即謂之燒暈此亦隨於射擊距離接近而愈小且著明者也若以筒口直接於體則必無此暈如距離遠者之銃傷其創口亦必隨彈丸圓尖而異其形若銃丸與骨衝突或押送其破片或銃丸變其形狀爲扁平之時則射出口必較大於射入口因其口有狹小之黑暗一環即謂之狹挫暈此因距離遠近而有別其他銃創管之近旁因銃丸之震盪損傷臟器亦可發生骨折即如挫傷心肺或破裂大血管內膜或由反抗激動而生骨折等是也又頭蓋等皮膚內銃丸射入之際先於骨間穿孔其破折骨片即押送於彈丸前破潰其腦質或其射擊之方向向於頭蓋腔內時爆發瓦斯恰生水壓力之側壓的作用因之破潰全頭蓋者往往有之穿入體中之彈丸與骨衝突或與他堅固物相遇則變更

其方向例如從頰部穿入而發見於頸之後部之類是其穿貫之形如弓線狀諸如此類不勝枚舉略舉一端以概其餘總之彈丸有留於體中者有通過於體外者其傷處皮膚及衣服均發焦黑點或皮肉弛緩有收縮性傷口小於彈丸或周圍腫脹呈焦黑色或紫紅不等又用銃自戕者其傷多在頭面頸部胸腹等處如銃與身體密接則成直角形或滑澤圓形其手中必握有兇器其在房屋內必緊閉窗戶無人知覺方可爲自戕狀況

神經中樞震盪

神經中樞震盪卽所謂腦震盪也大概因頭部被暴力器物損傷而發或由人打撲或從高落下或與硬物衝突或被重器壓迫等所致有單獨發生者有合併他損傷而發者單獨震盪之現象負傷後卽陷於昏睡狀態脈搏徐緩呼吸極微弱且其瞳孔反應痴鈍恍惚如不見物屢嘔吐發痙攣而近於死亡或數分時或數日或周日後失神狀態雖已恢復然於記憶上頗有缺乏且於知覺運動及精神之官能上間亦有殘留障害者於言詞談論間更多缺點其合併之損傷見於腦挫傷者居多卽如腦質破潰之類是也此等合併傷其現象卽毛細血管有出血之徵出血之分類有二有外傷性出血有腦膜內溢血

紅拂

蘇小

薛濤

芳字號

子琴

紅崖奇字煩箋注

蘇合吳均曾入詠

薛盡得官緣佞幸

拂水清才稱黨魁

小冠子夏爲同名

濤能免役擅詩名

小紅拍按堯章曲

語小穎川工記事

岐薛歡聯花萼宴

大拂廬宜贊普居

添蘇魏野偶題詩

籍濤欣作竹林游

靈旗拂柳方晞露

邊愁小苑傷戎馬

相劍薛偕歐冶重

文館紅梨迥得霜

長嘯蘇門協鳳鸞

製箋濤並蔡倫傳

花盞裴紅饒旖旎

錄成識小研經苦

談藝倪濤標四庫

蘭亭斜拂考偏傍

集號香蘇琢句工

建牙斛薛控三邊

得卷每防紅勒誤

六橋攬盡蘇隄勝

春社酒從濤共醉

校書深識拂塵難

三水刊成小牘精

慈恩塔記薛同登

德壽舞傳雙拂號

少年障日屠蘇錦

唐家車戰陳濤誤

坡翁飯記二紅名

處士遺風大小饗

元代門材怯薛多

樞府鬚難參政拂

二寸庖丁供白小

集傳浪語應推薛

荔園心醉亮功紅

雙文衫子褪紅蘇

策上屯田合愛濤

黃閣幾人知段拂

胡銓漫說朝廷小

派分北地高兼薛

紅水一夜泣靈芸

蘇頌爭傳宰相賢

濤挾南龕種繼胥

拂茵酒愛斟重碧

小言體物師臣玉

薛鑑體裁宗涑水

訪治詩誰詠比紅

與國求援賴勃蘇

宋書兵事紀蒲濤

本報規則

冊數

每月六冊
正臘停版五期
今年六十七冊
閏月增加

價值

每冊大洋壹角叁分
每季大洋貳元壹角
今年大洋捌元肆角
閏月照加

編輯發行處均在南京水西門內下浮
橋南洋印刷官廠

分售處在吉祥街南洋印刷官廠發行所